



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 117. Judicii acta in Volsæum instrui cæpta.

[urn:nbn:de:hbz:466:1-66472](#)

§. CXVII.

Sæcul. XVI.
A.C. 1529.

*Judicii acta in Volsæum instrui
cæpta.*

Ex adverso Volsæus minus prospera *Aet. publ.*
utebatur fortuna; quippe die nona *Angl. t. 14.*
Octobris a Regis Procuratore in judicio *p. 348.*
accusabatur, ab eo statutum, quod inci-
pit: *Præmunire*, fuisse violatum. Hæc
lex sub Richardo II. anno Regni sui de-
cimo sexto condita cujuscunque condi-
tionis, & status personis inhibebat, ne
quaslibet Bullas, aut Beneficia a Cu-
ria Romana reciperent, indicta etiam
poena, qua non modo suis beneficis, si
quæ habent, priventur, sed etiam Re-
gis patrocinio excidant. Præterea die
decima septima ejusdem Mensis Hen-
ricus Rex Norfolciæ ac Suffolciæ Duci-
bus, qui tum supremi Senatus Præfecti
erant, negotium dedit, ut a Volsæo
Cardinale Regium Sigillum repeterent,
quamvis illud eidem ad dies vitæ per-
petuo jure concessum fuisset. Evidem
Volsæus illud reddere recusabat, nisi
hac de re speciale Regis mandatum ac-
cepisset. Ast cum Duces quantocius e-
jusmodi literas a Rege impetrarent,
Volsæus iterato Regis mandato parere
cogebatur. Porro Henricus Sigil-
lum Varhamo Cantuariensi Archiepi-

R r 3

scopo,

Sæcul. XVI. scopo, qui jam olim illud tenebat, re-
A.C. 1529. stituere meditabatur; cum autem hic
 abs dubio ob ætatem valde proiectam
 illud acceptare renueret, ipse met Rex
 hujus dignitatis insigne contulit Thomæ
 Moro, Viro omnium æstimatione tam
 doctrinæ excellentia, quam morum in-
 tegritye longe clarissimo. Quampri-
 mum igitur Volsæus Sigillum reddide-
 rat, confessim supremus Regis Procu-
 rator nova accusationum capita adver-
 fus eum protulit, unde Cardinalis die
 vigesima secunda Octobris jussu Regis
 Eboracensi Palatio suo excedere, atque
 ad quamdam villam suam, quæ illius
 tanquam Viacomiensis Episcopi erat,
 sese recipere compellebatur.

Vix aula excefferat Volsæus, cum
 illico ejus palatum occupatur, indeque
 magis pretiosa, qua ornabatur, supel-
 lex abstrahitur, omniumque suorum bo-
 norum, quæ ad immensas creverant di-
 vitias, recensio fieri jubetur: Cum ve-
 ro Volsæum omnibus suis bonis penitus
 exuere, nondum decrevisset Henricus,
 hinc eidem vasa argentea, tantamque
 supelleftilis partem, quæ octo vel no-
 vem millium Duplionum pretium æqua-
 ret, restitui præcepit, simulque ei Ebo-
 racensis Archiepiscopatus, necnon Via-
 comiensis Ecclesiæ possessionem reliquit,

con-

concessa etiam facultate, ut quosdam Sæcul. XVI.
 fibi feligeret Advocatos, qui ejus nomi- A.C. 1529.
 ne agerent, caussamque illius tuendam
 fusciperent. Volsæus igitur hanc be-
 nevolentiam in rem suam vertebat, nec-
 non Regis pollicitationi confisus, qua
 hic ejus vitæ ac libertati cautum fore
 spopondit, quantocius Procuratores se-
 ligebat, eisque agendi provinciam de-
 mandabat. Hi itaque Curiam adeunt,
 ac Cardinalis nomine contestantur,
 quod Volsæus Bullarum impetrationem,
 de qua accusabatur, Regni legibus ad-
 versam, Statusque incolumenti nocivam
 esse ignoraverit: cetera vero crima,
 quorum reus dicebatur, haud diffitetur,
 unde se penitus Regis clementiæ
 committeret, declararet tamen, quod abs-
 que Henrici consensu nihil attentasset,
 sed desuper ab ipso Rege demandatae
 facultatis literas obtinuisset, quas etia-
 am exhibere potuisset, nisi ejus inimici
 cuncta scripta ipsi abstulissent, de cetero
 tamen cum Rege suo eundem judicio
 contendere nolle, dicebant Procurato-
 res. Nihilominus adversus Volsæum
 sententia pronuntiatur, vi cuius ipse
 Regis patrocinio privatus, cuncta vero
 ejus bona Regio ærario addicta fuere.
 Post hæc Henricus ipsum Senatus sui
 potestati tradidit.